

編號：568  
筆畫：17  
篇名：燭之武退秦師  
作者：  
出處：《左傳》；中學中國語文科課程綱要（1990）建議採用  
出版者：  
出版年份：  
文白語體：文言  
字數篇幅：約 370 字  
表達方式：記敘

建議學習重點：

- 一 用對話表現人物思想性格的寫法
- 二 文言詞「以」、「之」、「其」、「焉」、「夫」的用法
- 三 理解燭之武的勇敢、機智和深明大義

結構層次：

第一大段：敘述晉、秦圍鄭的原因和鄭伯命燭之武見秦伯的經過。（第 1 至 2 自然段）

第 1 小層：寫秦晉圍鄭，鄭國處於秦、晉兩面夾攻的危急形勢。（第 1 自然段）

第 2 小層：寫燭之武臨危受命，答應鄭伯請求，出使秦國勸說秦伯。（第 2 自然段）

第二大段：寫燭之武說服秦伯，智退秦師。（第 3 至 5 自然段）

第 1 小層：寫燭之武向秦伯說明攻鄭的弊害（先說亡鄭於秦無益而有害；再說舍鄭於秦有益而無害；最後說晉屢背秦德，不可共事），秦與鄭結盟。（第 3 至 4 自然段）

第 2 小層：寫晉軍亦撤離，鄭國終於解圍。（第 5 自然段）

篇章主旨：

本文敘述了燭之武在國家生死存亡的危急關頭，以國事為重，出使秦國說服秦伯的經過，表現了燭之武的勇敢、機智、深明大義和卓越的外交才能。

附:原文

568

## 燭之武退秦師

《左傳》

1 晉侯秦伯圍鄭，以其無禮於晉，且貳於楚也。晉軍函陵，秦軍汜南。

2 佚之狐言於鄭伯曰：「國危矣！若使燭之武見秦君，師必退。」公從之。辭曰：「臣之壯也，猶不如人，今老矣，無能爲也已。」公曰：「吾不能早用子，今急而求子，是寡人之過也。然鄭亡，子亦有不利焉。」許之。夜縋而出。

3 見秦伯曰：「秦 晉圍鄭，鄭既知亡矣。若亡鄭而有益於君，敢以煩執事；越國以鄙遠，君知其難也，焉用亡鄭以陪鄰？鄰之厚，君之薄也。若舍鄭以爲東道主，行李之往來，共其乏困，君亦無所害。且君嘗爲晉君賜矣，許君焦、瑕，朝濟而夕設版焉，君之所知也。夫晉何厭之有？既東封鄭，又欲肆其西封，若不闕秦，將焉取之？闕秦以利晉，唯君圖之！」

4 秦伯說。與鄭人盟。使杞子、逢孫、楊孫戍之，乃還。

5 子犯請擊之。公曰：「不可！微夫人之力不及此。因人之力而敝之，不仁；失其所與，不知；以亂易整，不武。吾其還也。」亦去之。